


KOMINYO

 Ya kele nsangu mosi ya ngolo yina Mpangi Pearry me pesa beto na Ndinga ya Nzambi. Wapi mutindu ya kele kieleka ti “Beto ke sukisaka Nzambi mpe ke pesaka ntangu na Nzambi; mpe Yandi kele ya Kukonda nsuka, beto lenda sala yawu ve.” Na yawu na nkokila yayi beto ke kutana na kima yankaka ntangu yayi, kele kominyo.

² Bamvula tatu mu vingilaka dibuundu kusalama na Tucson, kasi ya kele awa. Yinga, beto kele—beto kele awa. Na yawu beto ke tonda Mfumu, Yandi bikaka kaka beto kuingila tii beto lenda sepela na yawu ntangu yayi.

³ Ntangu yayi, ya kele na kima mosi yina mu zola kutuba kaka ntete beto banda kominyo, ya kele yayi, ti mu ke kwikila ti beto me mona mingi na kilumbu ya beto yina beto ke na kuzinga, ti kieleka beto fwana pesa (konso) na kuvwandaka ya beto nyonso na Nzambi. Beto—beto fwana sadila Nzambi ya kieleka. Mu ke kwikila ti Yandi me sakumuna beto na mvutu ya mbala mosi na Masonuku. Mutindu Mpangi Pearry me pesa yawu na mwa ntangu fyoti me luta, ti beto—beto kele—beto kele na ntangu yina. Beto kele ya kufwa meso ve, beto—beto—beto ke mona ti beto kele awa, beto—beto me kuma.

⁴ Mpe beto lenda diaka kutala na nziunga mpe kumona mutindu mpeve ya bumuntu ke na kubika bantu, ti, beto—beto lenda dyaka ve kubikana ntangu mingi, beto ke vwanda na yinzo ya bilawu ya muvimba, yinza ya muvimba ke vwanda. Beno me mona? Na yina beto—beto me kuma na ntangu ya nsuka.

⁵ Ntangu yayi, mutindu Mpangi Pearry sukaka kuna, na kumonaka bima yayi kele kieleka, beno me mona ti yawu kele kieleka, yawu kele disolo ya luvunu ve. Ba kele kaka ve kima yina beto ke banza. Ba kele kima yina ba pesaka beto mbala mosi na nzila ya Ndinga ya Nzambi mpe monisamaka pwelele na ntuala ya beto, ti beto zaba ti beto kele awa. Beto—beto zaba ve bilumbu yikwa ntangu yayi, samu ti dyaka beto ke vutuka na monte, beno me mona, wapi ntangu ya kele. Kasi beto kele . . . beto zaba ti beto—beto kele awa, beto kele na ntangu yina. Ya lenda vwanda ntangu ya Nzambi, mu ke banza . . .

⁶ Muntu mosi pesaka dibanza mosi na ntangu mosi na kutubaka ti kana Nzambi vibidilaka yandi . . . kana Yandi zolaka pesa ntangu nyonso, funda mosi—mosi ya bamvula kele kaka kilumbu mosi. Na yawu kana muntu zingaka bamvula makumi sambwadi, ya ke vwanda kaka baminuti fyoti ya ntangu ya Nzambi. Beno me mona? Mbote, mpe yandi tubaka ti ya ke vwanda na bamvula makumi yiya, yina ke zola tuba ata ntangu ve, na mpasi, Yandi lendaka bweta disu ya Yandi. Beno me mona?

Beno me mona, kaka ya kele mutindu ya nswalu, kima nyonso, kana ya kele ntangu yina ba me zenga; na yina, Yandi kele ve na ntangu mosi. Na yina Yandi kele kaka ya Kukonda nsuka.

7 Mu banza ti ya vwandaka Sarah na manima kuna . . . to, ve, ya vwandaka Joseph, na nkokila yina, tubaka na munu mpe Mpangi Pearry. Yandi tubaka, “Papa, wapi kisika, wapi ntangu Nzambi kotaka na kosalu? Wapi kisika Yandi katukaka?” Beno me mona? “Yandi zolaka kuzwa mbandukulu, Yandi ve? Yandi zolaka banda ve?”

8 Mu tubaka, “Ve. Nyonso yina kele na mbandukulu kele na nsuka, kasi ya kele yina kuzwaka ve mbandukulu kele na ata nsuka ve.” Ya kieleka, yandi kele na bamvula kumi, yina vwandaka mutindu ya yinwa ya kieleka samu na yandi. Beno me mona? Mpe wapi mutindu yandi lendaka kuzwa yawu, na kuzabaka ti kima mosi me bandaka ata fioti ve? Kaka na yandi ve, ya kele samu na munu. Ntangu yayi, beno me mona, ya kele kaka dose ya nene ya kumina samu na munu, mutindu ya bandaka.

9 Ntangu yayi beto ke na kukubama na kusala kima mosi awa yina kele kieleka ya santu.

10 Ba bokilaka munu na mwa bilumbu fioti me luta, na mwa bakala mosi ya mbote ya Muklisto yina—yina me vwandaka ata fioti ve me kuzwa yayi, mpe yandi bakulaka ti beto bakaka kominyo ya kieleka. Ba ke bakaka yawu yina ba ke bokilaka “kominyo ya kimpeve.” Mpe yina, mutindu *kominyo*, mu ke tuba mbote mingi, samu ti *kusolula* kele “kutuba na,” beno me mona. Mpe mpangi-bakala pesaka munu Masonuku yayi, yandi tubaka, “Mpangi Branham, nge banza ve ntangu yayi . . .”

11 Ntangu yayi, ya kele samu na yina mu ke na kutuba yayi . . . Ya kele nyonso ya kulunga, Mpangi Pearry? [Mpangi Pearry Green me tuba, “Kieleka.”—Mu.] Beno me mona, ya kele samu na yina mu ke tuba yayi, samu ti beno bakula yina beno ke na kusalaka. Beno ve . . . kana beno kota na kima mosi na meso ya kufwa, beno zaba ve kisika, yina beno ke na kusalaka. Beno lenda tula kivuvu ve kana beno zaba ve yina beno ke na kusala. Kasi beno fwana bakula yina beno ke na kusalaka mpe samu na yinki beno ke na kusalaka yawu.

12 Yandi tubaka, “Ntangu yayi kana beto baka Ndinga ya Nzambi, ya kele ve Nzambi yina beto ke na kubaka?”

13 Mu tubaka, “Kaka kieleka, tata, ya kele kieleka. Kasi beto ke tanga awa ti kieleka bawu . . . Paul longaka na kubakaka Madia ya Mfumu ya kieleka. ‘Beno sala Yayi na kubambukila Munu moyo,’ tubaka Yesu. ‘Ntangu nyonso yina beno ke baka yayi beno ke bambuka moyo na Munu, beno ke lakisa lufwa ya Mfumu tii Yandi ke kwiza.’” Beno me mona? Ntangu yayi, beto fwana kubaka yawu.

¹⁴ Beto me bakula ti Santu Paul, yina tumaka yawu na kati ya Dibuundu, na kuvwandaka profete ya Ngwisani ya Malu-malu. Pierre, Jacques, Jean, bawu nyonso, bawu sonikaka (mbote, Matthieu, Marc, Luc) yina Yesu salaka, mutindu misoniki. Kasi Paul tulaka kima na ndonga, yandi vwandaka—yandi vwandaka profete ya Ngwisani ya Malu-malu. Kaka mutindu Moise kwendaka na ntoto ya kuyuma samu na kuzwa lutwadusu ya kimpeve samu na kusonika Babuku tanu ya—ya . . . Babuku tanu ya ntete ya Biblia, mbote, Paul kwendaka mpe na ntoto ya kuyuma mpe kuzwaka lutwadusu ya kimpeve na Nzambi, samu na kutula Dibuundu ya Ngwisani ya Malu-malu na ndonga mpe kufwanikisa Yawu na Ntama.

¹⁵ Na yisi kuna bawu vwandaka na mwana-dimeme ya munkayulu, yina Israel zitisaka yawu samu na lubambuku. Na yina ba sadilaka yawu kaka mbala mosi, ntangu bawu basikaka na Egypte. Kasi na manima bawu zitisaka yawu samu na lubambuku na kati ya bansungi nionso. Mbote, “kana musiku kele kivudi ya mambu yina ke kwisa,” beno me mona.

¹⁶ Ntangu yayi, mu ke kwikila ti *Kominyo*, to yina beto ke bokilaka, “Kominyo,” ntangu yayi, kele kutuba . . . kele “Madia ya Mfumu.”

¹⁷ Ntangu yayi, beto kele kaka na bantumunu tatu ya Kinzambi na nzutu yina me bikana na beto: mosi ya bawu kele—kele kominyo, kusukula makulu, mbotika ya maza. Ya kele kaka bima tatu. Ya kele kulunga, ya tatu, beno me mona. Mpe ya kele kaka bantumunu tatu kele na beto. Beto me bakula ti ya vwandaka dyambu yina Santu Paul na Ngwisani ya Malu-malu.

¹⁸ Ntangu yayi, kana beto tuba “kominyo fwana baka kaka Ndinga,” Mu ke kwikila ve ti muntu mosi kele na muswa ya kubaka Madia ya Mfumu tii yandi me baka Ndinga ya Mfumu na kati ya ntima ya yandi. Beno me mona? Samu ti mu ke . . . Mu ke tanga kima mosi samu na beno na mwa ntangu fyoti mpe beno ke mona. Ntangu yayi, beno tala. Na yina, samu na yinki beto—beto ke . . .

¹⁹ Na zulu ya lufulu mosi beto lendaka nungisa Armée du Salut. Bawu ke kwikilaka ve na mutindu mosi ya mbotika ya maza, bawu tubaka, “Beto ke na nsatu ya yawu ve.” Ntangu yayi, kana beto ke na nsatu ya mbotika ya masa ve, samu na yinki beto me botama? Yandi tubaka, “Masa lenda vulusa nge ve, Menga ke vulusa nge.”

²⁰ Mu ke wisana na yawu. Ya—ya kele kieleka, Menga ke vulusaka beno, masa ve. Kasi beto *fwana* baka maza mutindu kutalisama ya ngaanda ti kisalu ya lemvo me salama na kati. Beno me mona? Ya kele mutindu mosi beto fwana sala samu na kominyo!

²¹ Ntangu beto me baka Mfumu, Munkayulu ya beto, na kati ya beto, mutindu Mbutukulu ya kimpeve na kati ya beto, mpe Nzutu

ya Yandi, beto ke zinga na nzila ya Yandi na nzila ya Ndinga, beto mpe fwana monikisa yawu samu ti ya kele musikuru. “Beno balula ntima, mosi na mosi ya beno mpe beno botama na Nkumbu ya Yesu Klisto samu na mulemvo ya masumu ya beno.”

²² Paul tubaka, “Mu me kuzwa na Mfumu yina mu me longa beno, “Ti Mfumu Yesu na mpimpa yina ba yekulaka Yandi bakaka dimpa, mpe bukaka yawu mpe pesaka yawu na bilandi, mpe—mpe tubaka, “Beno baka mpe beno kudya, yayi ke bambuka Munu moyo.” Samu ntangu nyonso yina beno ke baka dimpa yayi, beno ke lakisa lufwa ya Yandi tii Yandi ke kwiza.” Ntangu yayi beto ke mona ti, na yina, ba vwandaka na bantu yina kwisaka mpe. . .

²³ Mpangi-bakala yayi ya ntalu, mpangi-bakala mosi ya luzolo mingi, yandi kwisaka mpe yandi tubaka, “Mu me bakaka yawu ata fioti ve—mu me bakaka yawu ata fioti ve, Mpangi Branham, mu ke bakula ve yina yawu kele.” Yandi tubaka, “Ba longaka munu lweka yankaka.”

²⁴ Mu tubaka, “Kasi beno bambuka moyo, beto ke ndima ti Santu Paul tulaka yawu na ndonga na Dibuundu ya Baklisto ya ntete. Bawu kwendaka na yinzo-Nzambi. . . na yinzo, bukaka dimpa na ntima ya kukulumusa, mpe nionso yina. Ntangu yayi,” mu tubaka, “yandi tulaka yawu na kati ya Dibuundu. Galates 1:8, yandi tubaka, ‘Kana wanzio katuka Mazulu kwiza mpe tuba kima yankaka, ti ya vwanda ya kusinga,’ beno me mona, beno me mona, yina mosi salaka ti bawu kubotama dyaka na mbotika ya Jean, samu na kuzwa mbotika na Nkumbu ya Yesu Klisto.”

²⁵ Beno me mona, ya kele na bima tatu yina beto fwana—bima tatu yina beto fwana sala mutindu bidimbu: Madia ya Mfumu, kusukula makulu, mbotika ya maza. Beno me mona? Ya kele. . .

²⁶ Beno ke tuba, “Mbote, . . .” Ntangu yayi, Armée du Salut ke bakaka yawu na kisika, “Muyibi yina vwandaka kufwa, ntangu yandi kufwaka, yandi bakaka mbotika ve, kasi Yesu tubaka ti yandi ke vwanda na Mazulu.” Ya kele kaka kieleka. Ya kele kieleka. Kasi, beno me mona, yandi—yandi—yandi zabaka kaka Yesu kaka kuna na ngunga yina yandi vwanda kufwa. Beno me mona? Ya kele kaka—ya kele kaka bweso yina yandi kuzwaka. Yandi—yandi vwandaka muyibi, yandi vwandaka ntama, yandi vwandaka na ngaanda. Mpe yandi, kaka na ntangu yandi monaka Nsemo yina, yandi zabaka Yawu, “Mfumu, bambuka moyo na munu!” Mpe Yesu. . . Ya vwandaka kieleka.

²⁷ Kasi na beno mpe munu yina zaba ti beto fwana botama, mpe kumanga na kusala yawu, na yina ya ke vwanda na kati-kati ya beno na Nzambi. Kima mutindu mosi na kominyo!

²⁸ Ntangu yayi, ntangu beto ke baka kominyo yayi, ya kele kaka ve kima ya kutuba, “Mu ke kwisa awa mpe mu ke kudia mwa dimpa, mpe mu ke kwikila ti mu kele Muklisto.” Kasi, kana beno tala, Biblia ke tuba, “Yandi yina ke kudya mpe ke

kunwa *kukondwa kulunga* ke vwanda ya kuzwa kitumbu na Menga mpe Nzutu ya Mfumu.” Beno me mona? Beno fwana zinga luzingu yina—yina . . . na ntwala ya bantu, ti . . . mpe na ntwala ya Nzambi mpe bantu, yina ke lakisa ti beno kele—ti beno kele ya kusungama.

²⁹ Ntangu yayi, kaka mwa ntangu fyoti dyaka. Ntangu yayi, na Ngwisani ya Ntama ntangu ba salaka munkayulu to balutumumu. Mpe mutindu mosi kele masa ya mbotika musiku mosi; mutindu mosi kele kusukula ya makulu musiku mosi; mutindu mosi kele Madia ya Mfumu musiku mosi. “Kyese na yandi yina ke salaka misiku nyonso ya Yandi, ke zitisaka misiku ya Yandi nyonso, misiku ya Yandi nyonso, ti yandi lendaka vwanda na muswa ya kukota na Yinti ya Luzingu.”

³⁰ Ntangu yayi, beno tala na yayi ntangu yayi, ti na kati ya ntete yina, ntangu ya vwandaka ntete lutumu ya Nzambi na kunata munkayulu na dibuundu, mpe na tempelo mpe autel, mpe kupesa dikabu ya nge, mpe—mpe samu na masumu ya nge, munkayulu ya mwana-dimeme. Mbote, mu lenda banza kaka kumona mpangi-bakala mosi ya Juif kukulumuka na bala-bala, na kuzabaka ti yandi vwandaka ya kubwa, mpe yandi ke kwenda na autel; to ke nata ngombe ya yandi ya nene to ngombe ya bakala, to nyonso yina yandi kuzwaka, to mwana-dimeme ya bakala, kima mosi. Yandi nataka yawu na nzila kaka ya kusungama mutindu yandi lendaka kwiza, yandi tambulaka kuna, na kukebaka musiku ya Nzambi na kieleka nionso mutindu yandi lendaka.

³¹ Na yina yandi tentikaka maboko ya yandi na zulu ya yawu, na kufungunaka masumu ya yandi, mpe nganga-nzambi ke tula yayi (masumu ya yandi) na zulu ya mwana-dimeme, mpe ba zengaka laka ya mwana-dimeme, mpe—mpe na manima kufwaka samu na yandi. Mutindu yandi vwandaka kuna, mwa mwana-dimeme vwandaka ningana mpe vwandaka basisa menga, maboko ya yandi vwandaka ya kufuluka na menga, mpe ya vwandaka pumbuka bisika nyonso na zulu ya yandi, (mwana-dimeme ya fioti vwandaka dila, ke kufwa), yandi zolaka bakula ti yandi sumukaka mpe kima mosi zolaka kufwa na kisika ya yandi. Na yina, yandi vwandaka pesa lufwa ya mwana-dimeme yayi samu na lufwa ya yandi. Beno me mona, mwana-dimeme kufwaka na kisika ya yandi. Na yina muntu salaka yawu na bukieleka, na mudindu ya ntima ya yandi.

³² Na nsuka, ya landilaka diaka mpe diaka, diaka mpe diaka ya landilaka mutindu yina tii kuna na nsuka ya kumaka kinkulu. Musiku ya Nzambi kumaka kinkulu samu na bantu. Mpe na yina yandi kulumukaka, “Mbote, beto tala, yayi kele *kingandi* bubu yayi, mu banza ti mu ke sala mbote na kukwenda kuna. Yinga, mu ke sala mbote na kupesa dikabu ya ngombe ya bakala.” Yandi kulumukaka, “Mbote, Mfumu, yayi kele ngombe ya munu ya

bakala.” Beno me mona, ya kele ve na kieleka na kati ya yawu, ya kele ve na lubakusu na yawu.

³³ Ntangu yayi, beto zola ve kubaka kominyo mutindu yina. Yina kele kima mutindu mosi me kuma na mesa ya Mfumu.

³⁴ Esaie 35. . . Ve, beno lemvokila munu. Esaie 60. . . Beno bika mu vutukila yawu. Mu—mu—mu ke kwikila ti ya kele Esaie 28, ya kele kisika beto ke mona yayi. Mu ke ndima kieleka ti ya kele kapu ya mbote. Yandi tubaka, “Musiku fwana vwanda na zulu ya musiku; mpe nzila na zulu ya nzila; awa fyoti, kuna fyoti. Kangama na yina kele mbote. Na bikoba yina ke tekita mpe bandinga yankaka mu ke zonza na bantu yayi. Mpe yayi kele Kupema.”

³⁵ Yandi tubaka, “Bamesa nyonso ya Mfumu me fuluka na biluki. Nani mu lenda longa Malongi? Nani mu lenda bakula?” Beno me mona? Mu banza ti ya vwandaka Masonuku ya mbote, Esaie 28. “Nani mu lenda sala kubakula Malongi?” Beno me mona, “bamesa.”

³⁶ Ntangu yayi, beto ke mona ti bubu yayi ti kima yayi ya nene yina beto ke zola kusala na nkokila yayi, samu na kubambuka moyo na lufwa ya Yandi mpe Nzutu ya Yandi yina beto ke kwikila ti beto ke kudya konso kilumbu, to, beto vwandaka kudia kaka mutindu mpangi ya beto ya bakala longaka beto. Na kubakaka Ndinga ya Nzambi, beto ke kwikila Yawu na ntima ya beto ya muvimba. Beto ke mona Yawu me monisama; beto ke mona ti Yawu pesamaka na beto; beto ke mona Yawu me siamisama; beto ke kuwa Yawu na baluzingu ya beto. Mpe beto fwana kwiza na yayi na konsiansi ya mudindu yina beto ke na kusalaka, ve kaka samu ti ya kele ntumunu.

³⁷ Beno ke kota na yinzo-Nzambi mosi, mpe bambala mingi ba ke kabulaka biscuit mosi ya mungwa to mwa mutindu ya kima mosi, ba ke buka yawu, mpe dimpa ya lepele to—to kima mosi, mpe—mpe ba ke buka yawu; mpe bantu ke kunwaka makaya, kunwa malafu, bima yankaka nionso, samu bawu kele mambele ya dibuundu bawu ke kwisa mpe ke baka Madia ya Mfumu. Mbote, yina kele mvindu na ntwala ya Nzambi!

³⁸ Ata mpe munkayulu, tubaka, “Bilumbu ya beno ya santu mpe munkayulu ya beno me kuma nsunga ya yimbi na mbombo ya Munu.” Kasi Yandi tumaka bawu na kusala munkayulu yina. Kasi mutindu bawu salaka yawu, ya kumaka nsunga ya yimbi, ya ke pesa nsunga ya yimbi na mbombo ya Yandi (mbombo ya Yandi), munkayulu ya kieleka yina Yandi tumaka.

³⁹ Ya kele mutindu beto ke bakaka Ndinga ya Nzambi, Baklisto mingi bubu yayi (yina ya nkumbu) ke salaka yawu. Beto me telama awa mpe ke longa Ndinga yayi, mpe ke tuba, “Yesu Klisto kele ve mutindu mosi mazono, bubu yayi, mpe kukonda nsuka,” mpe kulonga bima yina Yandi silaka beto ti Yandi ke zitisa, mpe kutuba, “Oh, mbote, yina vwandaka samu na kima yankaka,”

bisambu ya beto ya nene me kuma kaka nsunga ke mata na mbombo ya Yandi. Yandi ke ndima yawu ve, ata fioti ve. Yawu yina, na nzila ya bikalulu ya beto ya kinkulu!

⁴⁰ Beno ke baka ve Madiya ya Mfumu na nzila ya kinkulu. Beno baka yawu samu ti ya kele zola ya Nzambi na kati ya ntima ya beno, na kuzitisaka misiku ya Nzambi. Beno me mona, ya kele samu na yina beno ke bakaka yawu.

⁴¹ Na yawu kana beno baka yawu ve na bukieleka, kaka ya kele kinkulu, “Mbote, dibuundu ya beto me kuzwa kominyo mbala mosi na Lumingu nyonso, to mbala mosi na konso ngonda, to mbala zole na mvula,” mpe beno ke mata, ke tuba, “Mbote, ya kele ntangu ya munu,” mpe—mpe na manima kubaka kominyo, na yina, ya kele nsunga ya yimbi samu na Nzambi! Beno me mona, ya kele kaka kinkulu.

⁴² Ata mutindu kima yankaka, beno—beno fwana vwanda ya kusungama. Nzambi zola kati-kati ya ntima ya beno. Beno bambuka moyo, Nzambi ya kieleka yina nataka beno awa na zulu ya ntoto kele Yandi yina beno ke na kusadila. Beno me mona?

⁴³ Beno ke na kusalaka yayi samu ti Yandi tubaka yawu, samu ti ya kele lutumu ya Yandi. Na yina beto zola kukwiza na mudindu ya bukieleka, na kuzabaka ti na nzila ya lemvo ya Nzambi ti beto me kuzwa mpulusu. Mpe beto—beto zola Yandi mpe beto kuwaka Mvwandulu ya Yandi, mpe beto—beto ke mona ti Yawu ke sobaka baluzingu ya beto. Moyo ya beto—ya beto nyonso me soba. Beto—beto—beto kele bantu ya kuswaswana. Beto ke zingaka ve mutindu beto vwandaka zingaka, beto ke banzaka ve mutindu beto vwandaka sala.

⁴⁴ Mutindu na kati ya Buku awa, mpe kisika yina beto vwandaka zonzila Babuku zole na kuvwandaka Mosi, Buku ya Luzingu. Buku ya ntete ya luzingu ke basika, vwandaka ntangu beno butukaka, yina vwandaka mbutukulu ya beno ya kimuntu. Beno me mona? Kasi kuna kilumbu mosi, kuna na manima, ya vwandaka na mwa mbuma ya Luzingu mutindu mu vwandaka tendula na bampangi-bakento ya bantwenia na yinzo na manima ya midi yayi. Beno me mona, ya kele na mwa mbuma ya Luzingu yina kele kuna, yina beno ke kukiyufula, “Wapi kisika Yawu me katuka? Wapi—wapi bima yayi ya ngitukulu?”

⁴⁵ Mu vwandaka tuba yayi, mu vwandaka baka samu na munu mosi, mutindu beno zolaka kutuba, “William Branham, mbote, bamvula makumi yiya me luta, William Branham, ya kele ve mutindu mosi na nkokila yayi.” Kana muntu mosi kuna lendaka tuba, “William Branham, yandi vwandaka muntu ya mubulu,” beno me mona, samu ti mu butukaka na Charles mpe Ella Branham. Na nkadulu ya bawu mu vwandaka musumuki, mu kwizaka na yinza, muntu ya luvunu, mpe bifu nyonso ya yinza vwandaka kaka na kati ya munu. Kasi kuna, mpe, vwandaka

Nkadulu yankaka awa, beno me mona, yina ba soolaka na ntwala, vwandaka kuna na Nzambi. Na nzutu mosi yayi, beno me mona, bankadulu zole na kati kuna.

⁴⁶ Mbote, mu vwandaka kaka kukipesa na mosi. Mutindu yawu vwandaka kukula, mu vwandaka niunguta mutindu bébé, “Da-da.” Kima ya ntete beno zaba, mu me kuma muntu ya luvunu, mu me kuma nyonso yankaka yina kele musumuki, samu ti mu me telama mutindu yina. Kasi kuna na kati vwandaka na mwa kitini ya Luzingu ntangu nyonso.

⁴⁷ Mu vwandaka bambuka moyo, mutindu mwana-bakala ya fioti. . . (Mu banza ti mu ke kanga beno ve ntangu ya yinda. Kasi mu zaba. . .) Mu vwandaka kuna na. . . na—na kumu ya masa, mpe mu vwandaka kuna mpe vwandaka tala pene-pene ya mpimpa. Papa mpe mama, bawu me kwenda ntangu yayi na kupema ya bawu. Mpe bilumbu yango bawu vwandaka misumuki, ya vwandaka ve na Buklisto na bayinzo ya beto na mutindu nyonso. Mpe, oh, la la, kunwa malafu, mpe bafeti, mpe na kulandilaka; ya salaka munu kubela, mu ke baka mwinda ya munu—ya munu mpe yimbwa ya munu mpe kukwenda na mfinda, samu na kubikana mpimpa nyonso. Na ntangu ya hiver mu vwandaka zomba tii na suka ya feti, mu banza kilumbu ya muvimba tii na suka. Kana mu vutukaka na yinzo, mpe ya me suka ntete ve, mu vwandaka lala na zulu ya hangar mpe vwandaka kulala, mu vwandaka vingila tongo kutana.

⁴⁸ Kuna mu vwandaka banza wapi mutindu na bantangu yankaka, mu vwandaka kuna na ngaanda na ntangu ya été, mu vwandaka lokota bitini ya bayinti ya munu mpe mu vwandaka tsokota yawu samu na kusala kisika ya kubumbama, samu na kukeba ti mvula kunoka; mu vwandaka lala kuna mpe mu vwandaka tulula bankama ya munu ya kuloba na kati ya masa, mu vwandaka loba; kiboba ya yimbwa ya munu ke zombaka baraton laveurs vwandaka ya kulala kuna. Mu vwandaka tuba, “Tuba ntete. Nge zaba, hiver me luta mu vwandaka kaka awa na nkokila mosi, Mu tungaka tiya kaka awa ntangu mu vwandaka vingila yimbwa ya munu ya ntama awa na yinti, mpe mu vwandaka na tiya awa. Ya vwandaka ya kukangama na ba-centimètre tanu na ntoto. Kasi, mwa fololo, wapi kisika nge katukaka?” Beno me mona? “Mbote, mpe wapi kisika nge me katuka? Nani me basika awa mpe me kuna nge? Mpe wapi yinzo ya lusambusu ba me basisa nge? To—to wapi mutindu samu na yawu, wapi kisika nge me katuka?” Beno me mona? Mwa fololo yango, mu zolaka tuba, “Mbote, ya vwandaka madidi, mpe nyonso, mpe mu tungaka tiya na zulu awa. Na zulu ya kima yayi ya madidi, ya vwandaka diaka na kima yankaka yina vwandaka ndungutula na zulu ya nkuni ya nene kisika mu yokaka nge. Mpe dyaka awa nge kele, mpe nge kele moyo. Wapi kisika nge me katuka?”

⁴⁹ Yinki ya vwandaka? Ya vwandaka na William Branham

yankaka. Beno me mona? Mwa kitini ya Luzingu ya Kukonda nsuka kuna, na ba-gene ya Nzambi, Ndinga ya Nzambi yina ba tulaka na kati kuna. Mosi na mosi ya beno lenda banza na bima mutindu mosi. Beno me mona, Yawu vwandaka sala.

⁵⁰ Na yina beno tala bayinti, mpe mu banza, “Dikasa, mu monaka nge me kubwa na mvula me luta, mpe samu na yinki nge kele dyaka kuna? Wapi kisika nge me katuka? Yinki me nata nge awa?” Beno me mona, Ya vwandaka Luzingu yango ya Kukonda nsuka yina vwandaka sala na kati ya nzutu.

⁵¹ Ntangu yayi, na yina kilumbu mosi mutindu mu vwandaka tambula, Ndinga yina vwandaka tuba, “Kunwa makaya ata fioti ve, kunwa malafu, mpe nionso yina.” Mpe bantwenia ya babakala mpe bawu nionso me kumaka bambuta. Beno me mona, ya vwandaka na Kima mosi vwandaka tambula.

⁵² Kasi na mbala mosi mu talaka na zulu, mpe mu tubaka, “Mu kele ve mwana ya Charles mpe Rosella Branham. Ya kele na Kima ke na kubokila.” Mutindu mwa ngononi ya munu, “Mu kele nsusu ve. Ya kele na Kima mosi kuna, kisika mosi kuna. O Yehowa ya Nene, Nani Nge kele, ya kuzibuka! Mu zola vutuka na yinzo. Ya kele na Kima mosi na kati ya munu, yina ke na kubokila.”

⁵³ Kuna mu butukaka diaka. Mwa Luzingu yango vwandaka kuna, luzingu ya maza tiamukaka na zulu ya Yawu, na yina Yawu bandaka na kukula. Ntangu yayi, ba lemvokilaka luzingu yango ya ntama, ba tulaka yawu na mubu ya kuzimbana ya Nzambi, ata mbala mosi dyaka ve ti ba bambuka munu moyo na zulu ya munu. Beno me mona? Ntangu yayi beto me telama ya kunungisama (mutindu ata ti beto sumukaka ve) na Mvwandulu ya Nzambi.

⁵⁴ Na yina ntangu beto ke kwisa na mesa ya Mfumu, beto fwana kwisa na luzitu, na zola mpe luzitu, ya “Beno tala kisika beto zolaka vwanda kana ya vwandaka ve samu na Yandi.” Beno me mona? Beno tala kisika ya zolaka vwanda . . .

⁵⁵ Na yina, Paul, mu banza, na kutubaka yayi, “Na yina, ntangu beno ke vukana kintwadi samu na kudia, beno vingila mosi na yankaka.” Ya kele, bampova yankaka, beno vingila kaka baminuti fyoti, beno sambila, beno kukitala beno mosi. Mpe kana beno zaba ti mpangi-bakala kele kuna, kaka samu na kusala kima yina kele mbote ve, to kima mosi, mpe beno sambila samu na yandi, mpe. Beno me mona? Beno me mona, “beno vingila mosi na yankaka,” beno vingila fioti, beno sambila. Kana ya kele na mitindu na kati-kati ya beno to kima mosi, beno sala yawu ve—ve—ve, beno kwenda sungika yawu, ntete. Beno me mona? Beno kwenda sungika yawu, ntete, samu ti beto zola kukwiza awa kaka ya kuvedila mutindu beto lenda vwanda, mpe mabanza ya beto ya mosi na yankaka mpe na Nzambi, mpe mosi

na yankaka, mpe na yina beto ke kwisa na ngwisani pene-pene ya mesa ya Mfumu. Beno me mona?

⁵⁶ Mpe beto ke sala yayi samu ti beto ke vutula matondo na Yandi, mpe na kati-kati ya mosi na yankaka. Na kudyaka dimpa na kati-kati ya mosi na yankaka, na kunwaka vinu na kati-kati ya mosi na yankaka, mutindu Menga ya Yandi mpe nzutu ya Yandi.

⁵⁷ “Kana ti beno kudya nsuni ya Mwana ya muntu mpe kunwa Menga ya Yandi, beno kele ve na Luzingu na kati ya beno.” Beno me mona? Beno me mona, ya kele yina Biblia ke tuba. Kana ti beno sala yawu ve, ya kele ve na Luzingu. Beno me mona? Beno kele kuna, ya kulutula to ya yisi, na kulakisaka ti beno kele na nsoni ya kukitalisa beno mosi mutindu Muklisto, samu na luzingu yina beno ke zinga. Mpe na yina yayi kele kieleka kumekama ya ngolo. Na yina kana beno sala yawu ve, beno kele na Luzingu ve. Kana beno sala yawu kukondwa kulunga, beno kele ya kuzaba dyambu na Nzutu ya Mfumu.

⁵⁸ Kima mutindu mosi na mbotika ya maza. Kana beto tuba, “Beto ke kwikilaka na Yesu Klisto, Yandi vulusaka beto na disumu, mpe beto me botama na Nkumbu ya Yesu Klisto,” na yina, beto ke nata—beto ke nata nsoni na Yandi, beto ke sala bima yina kele mbote ve mpe beto—beto fwana kufuta samu na yawu. Mpe kima yankaka, ntangu beto ke sala yawu, beto ke meka na kutuba kima mosi mpe kusala yankaka.

⁵⁹ Yina kele dyambu ya beto bubu yayi. Yina mu banza . . . Mu ke tuba “beto,” munu, mpe dibuundu yina Mfumu Nzambi me bika mu tuba na bangunga yayi ya nsuka, ti beto ke kwikila ti beto kele na ntangu ya nsuka. Beto ke kwikila ti Nzambi me pesa beto Nsangu. Ba tumaka yawu na Nzambi, Yawu me siamisama na Nzambi, Yawu me talisama na Nzambi. Ntangu yayi beto fwana kwiza na Yandi na buzitu mpe na luzolo, mpe na—na ntima ya kuvedila mpe mabanza mpe moyo.

⁶⁰ Beno zaba, ngunga ke telama ntangu—ntangu kaka na kati-kati ya beto ke vwanda . . . Mpeve-Santu ke zonga mutindu Yawu salaka na Ananias mpe Sapphira. Beno bambuka moyo, beno me mala, ngunga yina ke kwisa. Beno me mona? Mpe beto kele . . . Ntangu yayi, beno bambuka kaka moyo na yawu, beno me mona, ti Nzambi ke zinga na kati-kati ya bantu ya Yandi. Yawu yina Yandi zola sala ntangu yayi.

⁶¹ Beto lenda kuzwa Nsangu, mutindu kutuba . . . Kana mu vwandaka ntwenya ya bakala mpe—mpe vwandaka zomba samu na kento, mpe mu lendaka kuzwa kento, mu tubaka, “Yandi kele kaka ya kulunga. Yandi kele Muklisto. Yandi kele mama. Yandi kele nyonso yayi, mu kele na kivuvu.” Ata ti wapi mutindu mu ke tula kivuvu, ata ti wapi mutindu mu ke banza ti yandi kele mbote, Mu fwana kuzwa yandi, yandi fwana yamba munu; beno me mona, na zulu ya bansilulu yayi.

⁶² Mbote, ya kele kima mutindu mosi beto ke mona kele Nsangu. Beto ke mona ti Yawu kele kieleka. Beto ke mona Nzambi ke siamisaka ti Yawu kele kieleka. Ya kele kieleka ya kulunga. Mvula na manima ya mvula, mvula na manima ya mvula, Yawu ke landila kaka, ke landila kaka. Nyonso yina Yawu ke tuba, ke salama kaka kieleka mutindu Yandi tubaka. Ntangu yayi, beto zaba ti Yawu kele kieleka, kasi, beno me mona, beno sala yawu ve landila dibanza ya kimuntu. Kana beno sala yawu, beno kele na nsambulu ya zole. Beno me mona? Beto zola ve nsambulu ya zole, kima yina muntu yankaka me pesa kimbangi na yawu mpe beto ke na kuzinga na—na kimbangi ya bawu.

⁶³ Mutindu mu ke kwikila ti ya vwandaka Yesu tubaka na Pilate, kima mosi, ndinga mosi mu vwandaka banza, mpe Yandi tubaka kuna na mwa ntangu fioti me luta, “Nani me tuba yawu na nge?” To, “Yawu monisamaka pwelele na nge? Wapi mutindu nge me zaba bima yayi?” na nzonzolo yankaka. Mu zaba kaka ve yina ndinga kele ntangu yayi, ya me vwanda ntangu ya yinda kubanda mu tangaka yawu, kasi, “Wapi mutindu beno—wapi mutindu beno me zaba yayi? Yinki? Wapi mutindu? Nani monisaka yayi na beno?” Na yina me tala Yandi na kuvwandaka Mwana ya Nzambi. “Nani monisaka yawu na nge? Muntu mosi zonzaka na nge yawu? To,” mutindu Yesu tubaka, “ya kele Tata ya Munu na Mazulu yina monisaka yawu na nge?” Beno me mona? Beno me mona? “Wapi mutindu beno me longuka yawu, diboko ya zole to ya kele luzayikisu ya kulunga ya Nzambi?”

⁶⁴ Kominyo yina kele kaka kima yina mu me kuzwa na yawu, samu na kulungisa ntumunu mosi, na kutubaka, “Mbote, bantu yankaka ke baka yayi, munu mpe ke baka yawu”? Ya kele luzayikisu ti mu kele kitini ya Yandi mpe mu kele kitini ya beno, mpe mu zola beno mpe mu zola Yandi, mpe beto ke vukisa yayi mutindu kidimbu ya zola ya beto na Nzambi, mpe zola ya beto mpe kubundana na mosi na yankaka.

⁶⁵ Ntangu yayi mu zola kutanga ndambu na Masonuku. Mpe kuna mu banza . . . Wapi kisika beno . . . Mutindu Mpangi Pearry zolaka bubu yayi. Mu zola ti beno tanga yawu na munu, kana beno kele na Biblia ya beno. Ba-Corinthiens ya Ntete, kapu 11, mpe kubanda na nzila ya 23.

⁶⁶ Mpe na yina diaka, na tabernacle ya beto, beto ke talaka ntangu nionso yayi mpe kusukula makulu, ntangu nionso, samu bawu ke tambulaka kintwadi. Mu ke kwikila ti mpangi-bakala zabisaka yawu “Kilumbu ya tatu na nkokila” samu na lutangu ya bantu mingi mpe ya kele ve na mingi ya . . . kisika samu na kutula bantu samu na kusukula makulu, ba ke sala—sala yawu na Kilumbu ya tatu na nkokila.

⁶⁷ Ntangu yayi, nzila ya 23 ya kapu 11 ya ba-Corinthiens ya Ntete, beno kuwa Paul ntangu yayi. Ntangu yayi beno bambuka moyo, mpe beno bumba yayi na dibanza, na Galates 1:8, “Kana

beto to wanzio mosi me katuka na mazulu kulonga nsangu ya mbote yankaka na beno,” (kulutila Nsangu ya mbote yayi yina yandi longaka) “ti yandi vwanda ya kusinga.” Beno me mona?

Samu ti mu kuzwaka na Mfumu yina munu mpe longaka na beno, Ti Mfumu Yesu na mpimpa yina ba yekulaka yandi bakaka dimpa:

Mpe ntangu yandi pesaka matondo, yandi bukaka yawu. . . yandi tubaka, Beno baka mpe beno kudya: yayi kele nzutu ya munu, yina me bukana samu na beno: beno sala yayi samu na kubambukila munu moyo.

⁶⁸ Ntangu yayi, bika mu telama kaka awa, samu na kutuba: kasi kubaka nzutu ya Mfumu Yesu Klisto na kominyo yayi, ya zola kutuba ve ti kominyo kele nzutu *ya kieleka* ya Klisto. Ya kele Katolika. Mu ke kwikila ve ti ya kele kieleka. Mu ke kwikila ti ya kele kaka lutumu yina Nzambi salaka na beto, beno me mona, ya kele ve nzutu ya kieleka. Ya kele. . . Ntangu yayi, ya kele kieleka kitini ya dimpa kascher. Ya kele kaka bandongosolo.

⁶⁹ To dyaka mu ke kwikila ti mbotika ya Yesu Klisto (na Nkumbu ya Yesu Klisto) na maza ke lemvokila masumu ya beno. Mu ke kwikila ve ti beno. . . Mu ke kwikila ti beno lenda baka mbotika kilumbu ya muvimba. . . Ntangu yayi, mu zaba ti ya kele ntangu yankaka bantu ya kuvwanda awa yina me katuka na dibuundu ya Bantumwa, Mu zola kutuba, to dibuundu ya Pantekote, yina bawu ke longaka yawu. Kasi, beno me mona, mu—mu ke kwikilaka ve ti masa ke lemvokila masumu. To, kana ya vwandaka mutindu yina, na yina Yesu kufwaka na mpamba. Beno me mona? Mu ke kwikila ti ya kele kaka lutumu ya Nzambi, beno me mona, samu na kulakisa ti ba me lemvokila beno. Kasi kuvwanda ya kubotama samu na kuvutuka ya malu-malu, ve, mu—mu—mu ke kwikilaka yawu ve. Mu ke kwikilaka ve ti masa ke lemvokila masumu.

⁷⁰ To mu ke kwikila ve ti dimpa yayi mpe vinu kele na kima mosi ya kusala na beno, kaka kuzitisa balutumumu yina Nzambi tumaka beto na kusala. Beno me mona? Ya kele kieleka. Mu ke kwikila ti mbotika ya maza kele kima mutindu mosi. Mu ke kwikila ti ya ke pesa beto ngolo na kusala yawu, ti Yandi salaka yawu nionso samu na mbandu ya beto. Mpe Yandi salaka yayi samu na mbandu ya beto. Mpe Yandi sukulaka makulu samu na mbandu ya beto.

⁷¹ Ntangu yayi, “Na manima mutindu mosi mpe,” nzila ya 25:

Na manima mutindu mosi yandi bakaka mbungu, mpe ntangu yandi kudiaka, yandi tubaka, Mbungu yayi kele ngwisani ya malu-malu na menga ya munu: beno sala yayi, konso ntangu yina beno ke kunwa yawu, beno bambukila munu moyo.

Ntangu nyonso. . . (Beno bambuka moyo ntangu yayi!). . . Ntangu nyonso yina beno ke kudya dimpa

yayi, mpe ke kunwa mbungu yayi, beno ke lakisa lufwa ya Mfumu tii yandi ke kwiza. (Tii wapi ntangu? “Tii Yandi ke kwiza!” Beno me mona? Beno me mona?)

Yawu yina muntu nionso ke kudia dimpa yayi, mpe ke kunwa mbungu yayi ya Mfumu, kukondwa kuvwanda ya kulunga, ke vwanda ya kuzwa kitumbu na nzutu mpe menga ya Mfumu.

⁷² Bika mu telema fioti. Ya kele samu na yina yandi tubaka yayi, beno talaka na nzila yankaka awa, kapu yankaka, ti yandi tubaka, “Mu me bakula ntangu beno—ntangu beno ke vukana beno ke na kudia, ata mpe beno ke kulawuka malafu na mesa ya Mfumu.” Ba bakulaka yawu yimbi, beno me mona. Ba ke ngengaka, beno me mona. Kaka mutindu bantu ke na kusalaka bubu yayi, kuzinga kaka mutindu nyonso ya luzingu mpe kubaka yawu. Beno me mona? Yandi tubaka, “Beno kele na bayinzo ya kudya, beno me mona. Kasi, yayi kele balutumu yina beto fwana zitisa, beno me mona.” Ntangu yayi:

Kasi bika ti muntu kukifimpa yandi mosi, mpe na yina yandi kudia dimpa, mpe ke kunwa mbungu.

Samu ti yandi yina ke kudya mpe ke kunwa kukondwa kuvwanda kulunga, ke kudya mpe kunwa kitumbu samu na yandi mosi, na kuswasikisaka ve nzutu ya Mfumu. (Benome mona?)

⁷³ Yinki beno kele? Beno kele Muklisto, beno ke zinga na ntwala ya muntu nionso mutindu Muklisto. Mpe kana beno baka yawu mpe beno zinga ve mutindu Muklisto, beno ke na kuswasikisaka ve Nzutu ya Mfumu. Beno ke tula ditadi ya disakuba na nzila ya muntu yankaka, beno me mona, mutindu bawu ke mona beno ke meka na kusala yawu mpe na manima kuzinga ve yina beno fwana kuzinga. Beno me mona, beno ke na kuswasikisa ve Nzutu ya Mfumu. Ntangu yayi beno tala mbote yina yawu . . . yina nsingulu ya yawu kele:

Samu na dyambu yayi mingi kele ya kulemba mpe ya kubela na kati-kati ya beno, mpe mingi kele ya kulala. (Mbangululu ya kieleka ya ndinga yina, Mpangi Peary, kele “ya kufwa.” Beno me mona? Beno me mona, “mingi kele ya kufwa.”)

Samu ti kana beto—samu ti kana beto zolaka kukifundisa beto mosi, ti ba zolaka fundisa beto ve. (Benome mona, kana beto ke fundisa beto mosi ve. Benome mona?)

Kasi ntangu ba ke fundisa beto, ba ke semba beto samu na Mfumu, ti ba ke fundisa beto ve na yinza. (Benome mona, ngwisani mosi ve na yinza.)

Na yina, bampangi ya munu, ntangu beno ke vukanaka samu na kudia, beno vingila mosi na yankaka. (Beno me mona?)


Mpe kana muntu kele na nzala, ti yandi kudya na yinzo; ti beno vukana ve samu na lufundusu. Mpe mu ke sungika bima yankaka ntangu mu ke kwisa. (Beno me mona?)

⁷⁴ Ntangu yayi, na nzonzolo yankaka, beno kwisa kaka ve samu na kubaka yawu mutindu. . . Mutindu mu tubaka ntama mingi ve, na yina me tala yina ba-Juif, munkayulu ya bawu, bawu. . . Ya vwandaka mbote mingi, ya pesamaka na Nzambi, kasi yawu kumaka na ntangu yina ba vwandaka ve kusala yawu na kieleka mpe na buzitu mpe na ndonga, na yina ya kumaka kaka. . . ya kumaka nsunga ya yimbi na mbombo ya Yandi.

⁷⁵ Ntangu yayi, kima ya mutindu mosi kele na nzila ya nkwezulu ya beto samu na kubaka Madia ya Mfumu, ti, beto fwana kwiza na kuzabaka yina beto ke na kusalaka. Kaka mutindu ntangu beno ke kota na maza samu na kubotama na Nkumbu ya Yesu Klisto, beno zaba yina beno ke na kusalaka, beno ke na kusalaka dibuundu yina Nzambi tulaka na kati ya beno, Klisto.

⁷⁶ Ntangu beto ke baka yayi, ya ke lakisa dibuundu, ti, “Mu ke kwikilaka konso Ndinga ya Nzambi. Mu ke kwikilaka ti Yandi kele Dimpa ya Luzingu yina me katuka na Nzambi na Mazulu. Mu ke kwikila konso Ndinga yina Yandi ke tuba kele Kieleka. Mpe mu ke zinga na nzila ya Yawu, na mutindu ya kulutula mbote ya luzabu ya munu, Nzambi kele Zuzi ya munu. Na yina, na ntwala ya bampangi ya munu ya babakala, na ntwala ya bampangi ya munu ya bakento. . . Mu—mu ke zengaka ndefi ve, mu ke singaka ve, mu ke salaka bima yayi ve, samu ti mu zola Mfumu, mpe Mfumu zaba yawu mpe ke pesa munu kimbangi. Na yina, na ntwala ya beno, mu ke baka nkawa ya nzutu ya Yandi, samu na kuzaba ti mu me fundisama ve na yinza.” Beno me mona, beno bawu yayi, na yina ya kele lusakumunu.

⁷⁷ Mpe, beno bambuka moyo, mu lendaka pesa bimbangi mingi na zulu ya yayi, kisika mu me baka yawu mpe me tendula yawu na kati ya kivinga ya kubela, mpe mu me mona bawu me beluka.

⁷⁸ Beno bambuka moyo, ntangu Israel bakaka kifwani ya yayi, bawu salaka nzietelo bamvula makumi yiya na ntoto ya kuyuma mpe bilele ya bawu vwandaka diaka ve ya kulemba, mpe bawu basikaka kukondwa mosi ya kulemba—mosi na kati ya bawu, na mafuku zole ya bantu mutindu kifwanikusu ya yayi. Mbote, yinki Luswaswanu ke sala? Kana nzutu ya kibulu ya munkayulu salaka yawu samu na bawu, yinki Nzutu ya Yesu Klisto, Emmanuel, ke sala samu na beto? Beto vwanda kaka na buzitu ntangu beto ke kwiza. Beto vwanda kaka na buzitu mutindu beto zaba, na kukwiza. 

65-1212 Kominyo
Tucson Tabernacle
Tucson, Arizona U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org